

Adroddiad i	Awdurdod Tân ac Achub Gogledd Cymru	
Dyddiad	20 Hydref 2025	
Swyddog Arweiniol	Anthony Jones, Prif Swyddog Tân Cynorthwyol	
Swyddog Cyswllt	Mike Plant - Pennaeth Cynllunio, Perfformiad a Thrawsnewid	
Pwnc	Cynllun Gweithredu Rheoli Risg Cymunedol 2026/27	

PWRPAS YR ADRODDIAD

- 1 Mae'r adroddiad hwn i gyflwyno'r Cynllun Gweithredu Rheoli Risg Cymunedol (CRMIP) ar gyfer 2026/27 i'r Aelodau ac i ofyn am gymeradwyaeth i ymgynghori â'r cyhoedd ar ein hamcanion gwella a llesiant arfaethedig.

CRYNODEB GWEITHREDOL

- 2 O dan Fframwaith Cenedlaethol Tân ac Achub Llywodraeth Cymru 2016, un o'r prif amcanion ar gyfer Gwasanaethau Tân ac Achub yng Nghymru yw i fynd ati'n barhaus ac mewn modd cynaliadwy i leihau risg a gwella diogelwch dinasyddion a chymunedau.
- 3 Yn ôl Mesur Llywodraeth Leol (Cymru) 2009, mae'n ofynnol i Awdurdod Tân ac Achub Gogledd Cymru (yr Awdurdod) wneud trefniadau ar gyfer gwelliant parhaus wrth arfer ei swyddogaethau, drwy osod amcanion gwella iddo'i hun ym mhob blwyddyn ariannol yn erbyn o leiaf un o saith swyddogaeth. Mae'n rhaid ymgynghori â'r cyhoedd ynghylch yr amcanion hyn.
- 4 Mae'n ofyniad statudol o dan Ddeddf Llesiant Cenedlaethau'r Dyfodol (Cymru) 2015 i Gyrff Cyhoeddus gyhoeddi amcanion llesiant ac adrodd yn flynyddol ar eu cynnydd tuag at gyflawni eu hamcanion llesiant.
- 5 Mae Cylchlythyr Gwasanaeth Tân ac Achub Cymru rhif: W-FRSC (2024)06 yn nodi y gellir cyflawni'r dyletswyddau o dan Fesur 2009 a Deddf Llesiant Cenedlaethau'r Dyfodol 2015 drwy gyhoeddi un adroddiad.
- 6 Mae'r Ddyletswydd Partneriaeth Gymdeithasol, fel sy'n ofynnol gan Ddeddf Partneriaeth Gymdeithasol a Chaffael Cyhoeddus (Cymru) 2023, wedi'i dilyn ac ymgynghorwyd â'r undebau llafur perthnasol yng nghyfnodau ffurfiannol gosod amcanion. Mae'r undebau llafur hefyd wedi derbyn fersiwn ddrafft CRMIP 2026/27 ac mae'n disgwyl ymateb i'r amcanion arfaethedig. Bydd unrhyw ymateb yn cael ei adrodd i'r Awdurdod yn dilyn y cyfnod ymgynghori cyhoeddus.

ARSYLWADAU GAN Y PANEL GWEITHREDOL/PWYLLGOR ARCHWILIO

- 7 Aethpwyd â CRMIP 2026/27 i'r Panel Gweithredol ar 17 Mawrth 2025 a chyfarfod yr Awdurdod ar 28 Ebrill 2025, pan y cymeradwyodd yr Aelodau ef i'w gyhoeddi.

ARGYMHELLIAD

- 8 Argymhellir bod yr Aelodau'n:

- i) **Nodi cynnwys yr adroddiad; a**
- ii) **chymeradwyo cynllun gweithredu rheoli risg cymunedol drafft 2026/27 i'w ymgynghori ag aelodau'r Awdurdod, staff, undebau llafur perthnasol, budd-ddeiliad a'r cyhoedd cyn ei gymeradwyo yng nghyfarfod yr Awdurdod ym mis Mawrth 2026.**

CEFNDIR

- 9 Bydd yr amcanion cymeradwy a gynhwysir yn CRMIP 2026/27 yn sail i weithgarwch yr ail flwyddyn tuag at gyflawni'r Cynllun Rheoli Risg Cymunedol pum mlynedd (CRMP) 2024-29, a gymeradwywyd gan yr Awdurdod yn ei gyfarfod ym mis Gorffennaf 2024.

GWYBODAETH

- 10 Mae datblygu amcanion gwella a llesiant, ac ymgynghori dilynol, wedi'u cyflwyno er mwyn cysoni gosod amcanion â chynllunio cyllideb. Dylai'r ffaith eu bod yn cyd-redeg liniaru unrhyw wariant sylweddol yn ystod y flwyddyn, yn gysylltiedig â chyflawni'r amcanion, nad oedd wedi'i ragweld.
- 11 Cynhelir yr ymgynghoriad ar wefan yr Awdurdod gan ddefnyddio cymhwysiad Microsoft 365 a hynny rhwng 20 Hydref a 14 Rhagfyr 2025.
- 12 Bydd yn cael ei gefnogi gan gyfathrebu mewnol ac allanol gan gynnwys defnydd o'r cyfryngau cymdeithasol.
- 13 Y bwriad yw y bydd drafft CRMIP 2026/27 yn dilyn trefn ymgynghori fewnol ac allanol Gwasanaeth Tân ac Achub Gogledd Cymru (y Gwasanaeth) ac yn cynnwys Aelodau'r Awdurdod, y cyhoedd, staff a budd-ddeiliad perthnasol eraill i roi adborth, cyn ei gyhoeddi yn dilyn cyfarfod yr Awdurdod ar 16 Mawrth 2026.
- 14 Bydd fersiynau Cymraeg a Saesneg ar gael ynghyd â fformat hygyrch, hawdd ei ddarllen.

- 15 Mae Asesiad Effaith ar Gydraddoldeb a Chymdeithasol-Economaidd wedi'i baratoi a bydd yn cael ei gyhoeddi ochr yn ochr â'r dogfennau ymgynghori.
- 16 Mae Asesiad Effaith Diogelu Data wedi'i gwblhau mewn cysylltiad ag unrhyw ddata personol a fydd yn cael ei gasglu yn ystod yr ymgynghoriad.
- 17 Ar ôl i'r ymgynghoriad ddod i ben, bydd yr adborth yn cael ei asesu a bydd unrhyw newidiadau angenrheidiol yn cael eu gwneud i CRMIP 2026/27 cyn i ganlyniadau'r ymgynghoriad gael eu cyflwyno i'r Panel Gweithredol ar 16 Mawrth 2026 a'u dosbarthu i Aelodau'r Pwyllgor Archwilio.
- 18 Bydd y fersiwn derfynol yn cael ei chyflwyno i Banel Gweithredol yr Awdurdod Tân ar 16 Mawrth 2026 i'w gymeradwyo a'i chyhoeddi ar 31 Mawrth 2026.
- 19 Ar ôl ei gyhoeddi, bydd cynnydd yn erbyn CRMIP 2026/27 yn cael ei fonitro trwy Fwrdd Perfformiad y Tîm Arweinyddol y Gwasanaeth.

GOBLYGIADAU

Amcanion Llesiant	Mae Cynllun Rheoli Risg Cymunedol 2024/29 a Chynllun Gweithredu Rheoli Risg Cymunedol 2026/27 yn cynnwys datganiad Llesiant fel sy'n ofynnol gan y Ddeddf.
Cyllideb	Dylai'r ffaith bod y cylch gosod amcanion blynyddol yn cyd-redeg â chylch cynllunio'r gyllideb liniaru unrhyw wariant sylweddol yn ystod y flwyddyn, yn gysylltiedig â chyflawni'r amcanion, nad oedd wedi'i ragweld.
Cyfreithiol	Mae Cynllun Gweithredu Rheoli Risg Cymunedol 2026/27 wedi'i baratoi yn unol â'r ddeddfwriaeth berthnasol. GDPR – Mae Asesiad Effaith Diogelu Data wedi'i gwblhau a'i adolygu gan y Swyddog Diogelu Data.
Staffio	Dim
Cydraddoldeb / Hawliau Dynol / Y Gymraeg	Mae'r Cynllun Gweithredu Rheoli Risg Cymunedol yn cefnogi rheoli trefniadau risg yr Awdurdod
Risgiau	